


ԳԼԱՋՈՐԻ ՀԱՄԱԼՍԱՐԱՆԸ

Պատմ. գիտ. դոկտոր **Ա. Գ. ԱՐԲԱՀԱՄՅԱՆ**

Գլաձորի համալսարանի գիտաուսումնական գործունեության մասին տեղեկություններ են պահպանվել համալսարանում գրված ձեռագրերի հիշատակարաններում, ուսումնական ձեռնարկներում և ուսանողների ավարտաճառերում: Հարցի լուսաբանությանը մեծ շահով օգնում են նաև այն տեղեկությունները, որոնք վերաբերում են Տաթևի համալսարանին: Հայտնի է, որ XIV դարի 30-ական թթ., երբ Վալոց ձորում համալսարանի համար ստեղծվեց անտանելի ծանր վիճակ և համալսարանը Գլաձորից տեղափոխվեց Տաթև, այնտեղ, Գլաձորի սան Հովհան Որոտնեցու գլխավորությամբ, ուսումնական աշխատանքները շարունակվեցին Գլաձորի ուսումնական ծրագրերով և ավանդույթներով, ուստի այն տեղեկությունները, որոնք պակասում են Գլաձորում, կարելի է լինում լրացնել Տաթևի համալսարանի նյութերով:

Գլաձորում ընդօրինակված մի ձեռագրում (ՄՄ, № 473), որի գրիչներից մեկն է համալսարանի ուսուցչապետ Եսայի Նչեցին, զետեղված է մի խումբ առարկաների ծրագրային սխեմա՝ Արիստոտելի իմաստասիրական ծառն է՝ վերնագրով (էջ 122ա): Այդ սխեմայի հիմքը «բանական» կոչվող մայր գիտությունն է, որը բաժանվում է երկու խումբ առարկաների՝ տեսական և գործնական: Տեսական մասերն են բնաբանությունը, ուսումնականությունը և աստվածաբանությունը: Ուսումնականության մեջ մտնում են թվաբանությունը, երաժրշտությունը, երկրաչափությունը և աստղաբաշխությունը: Իսկ գործնական մասերն են՝ բարոյականությունը, տնտեսագիտությունը և քաղաքականությունը:



Պարզվում է, որ «Արիստոտելի ծառ» կոչվող այս սխեման ծրագրային գործնական կիրառություն է ունեցել ինչպես Գլաձորի, այնպես էլ Տաթևի համալսարաններում, նրա մեջ թվարկված բոլոր առարկաները դասավանդվել են: Այդ հայտնի է մեզ Կիրակոս Բանասերի հաղորդած տեղեկություններից: Վերջինս, խոսելով Թովմա Մեծոփեցու Տաթևի համալսարանում ստացած ուսումնառու-

թյան մասին, թվարկում է այն առարկաները, որոնք նա ուսանել է. «Զի ուսեալ էր ղերկոտասան մասունք իմաստասիրութեան՝ ղբանաբանականն, ղուսումնականն, ղաստուածարանականն և ղբարոյականն, ղտնտեսականն և ղքաղաքականն, ղթուականն, ղերաժշտականն, ղերկրաչափականն և ղաստղաբանականն և ղամենայն իմաստ հռետորական հանճարոյ, արտաքին փիլիսոփայական է (7) դոոց»¹։ Կիրակոս Բանասերի թվարկած առարկաները ճիշտ ու ճիշտ համապատասխանում են Արիստոտելին վերագրվող վերը հիշված «Իմաստասիրական ծառի» սխեմային։

Հալ մատենագրության մեջ հայտնի է առարկաների մի այլ դասախումբ, որը ճշտությամբ համապատասխանում է եվրոպական համալսարաններում ղասավանդվող «Յոթ ազատ արվեստների» (Septem artes liberales) առարկաներին։ Այդ դասախումբը բաժանվում է երկու մասի՝ եռյակ արվեստներ (Trivium) և քառյակ արվեստներ (Quadrivium)։ Եռյակ արվեստների մեջ մտնում են քերականությունը, ճարտանաությունը և ղիալեկտիկան (տրամաբանությունը սխեմայում), իսկ քառյակ արվեստների մեջ՝ թվաբանությունը, երկրաչափությունը, աստղաբանությունը և երաժշտությունը²։

Փարիզի համալսարանի նմանությամբ, Գլաձորի համալսարանում ևս, չնչին տարբերությամբ, դասավանդվել են նշված յոթ առարկաները՝ քերականություն, հռետորություն, ղիալեկտիկա, երկրաչափություն, թվաբանություն, աստղագիտություն և երաժշտություն։ Այսպիսով, երկու համալսարաններում էլ ղասավանդվող առարկաները, ինչպես պարզվում է, հիմնված են եղել «Յոթ ազատ արվեստների» դասախմբի վրա։

Գլաձորի համալսարանում դասախոսվող առաջատար և հիմնական տուրկան հանդիսացել է աստվածաբանությունը։ Համալսարանի ուսանողը հանգամանորեն ուսումնասիրել է Աստվածաշունչը (Հին և Նոր կտակարանները) և վաղ քրիստոնեական հայրերի՝ Գրիգոր Աստվածաբանի, Կյուրել Աղեքսանդրացու, Բարսեղ Կեսարացու, Դիոնիսիոս Արիսպագացու, Գրիգոր Նյուսացու և մյուս քրիստոնեական հայրերի աշխատությունները։ Ըստ Կիրակոս Բանասերի վկայության, Թովմա Մեծոփեցին համալսարանում սովորել է Աստվածաշնչի Հին և Նոր կտակարանների մեջ մտնող 72 գրքերը³։ Համալսարանի հիմնական խնդիրներից մեկն էր եկեղեցական վարժ քարոզիչների պատրաստումը և պարզ է, որ աստվածաբանության ուսուցման վրա առանձնահատուկ ուշադրություն պիտի դարձնեին։

Ի դեպ, այդպիսի դրվածք են ունեցել միջին դարերում գործող բոլոր ուսումնական հաստատությունները։ «Միջին դարերի աշխարհայացքը,— ինչպես նշել է Կ. Մարքսը,— եղել է գլխավորապես աստվածաբանական... րստ որում, հոգեբանությունը հանդիսացել է միակ ղարգացած ղասը։ Այստեղից ինքնին բխում է, որ եկեղեցական դոգման եղել է ելման կետ և հիմք բոլոր տեսակի մտածողության։ Իրավաբանության, բնագիտության, փիլիսոփայության ողջ բովանդակությունը գործադրվում էր եկեղեցական ուսմունքի համաձայն»⁴։

Գլաձորում հատուկ ուշադրություն է դարձվել ղավանաբանական հարցերի ուսուցման վրա։ Նվ այդ հասկանալի է. համալսարանի ուսանողը պետք է հաստատուն կողմնորոշում ունենար այդ հարցերում, որպեսզի ի վիճակի լինեի գիտակցված պայքար մղել ունիթոոների դեմ։ Դավանաբանության կարեւորությունը նկատի ունենալով, համալսարանի ուսուցչապետ Ստաչի Նչեցին գրել է ղավանաբանական կողմնորոշող մի քանի աշխատություններ՝ «Դավանաբանութիւն ի սուրբ երրորդութեան», «Վասն ղաւանութեան հաւատոյ», «Թուղճ վասն հաւատոյ և կառգաց եկեղեցոյ» և ուրիշներ, որոնք ղասա-

¹ Գ. Վ. Հովսեփյան. Թովմա Մեծոփեցու կյանքը. Վաղարշապատ, 1914, էջ 1։

² Н. Суворова. Средневековые университеты. М., 1898, с. 189—212.

³ Գ. Հովսեփյան. Նշվ. աշխ., էջ 1։

⁴ К. Маркс и Ф. Энгельс. Сочинения. Т. XVI, ч. I, с. 295.

վանդվել են: Չպետք է մոռանալ, որ դավանաբանական սխուլաստիկ վեճերի հիմքում ընկած էին քաղաքական սուր նկրտումներ:

Գլաձորի ուսումնական ծրագրերում մեծ տեղ էր հատկացված փիլիսոփայական գիտությանը: Ս. Արևշատյանը, խոսելով Գլաձորի համալսարանում Հովհան Որոտնեցու ստացած փիլիսոփայական գիտելիքների մասին, իրավացիորեն նկատել է. «Հովհան Որոտնեցին իր փիլիսոփայական և աստվածաբանական կրթությունն ստացել է Գլաձորի համալսարանում՝ նրա ռեկտոր, ակադեմիկոս գիտնական և մանկավարժ Ծալի Նշեցու ձեռքի տակ: Այստեղ նա հիմնավորապես ուսումնասիրում էր անտիկ և վաղ քրիստոնեական մտածողների՝ Պլատոնի, Արիստոտելի, Փլոն Աղեքսանդրացու, Պորփյուրի, Բարսեղ Կեսարացու, Գրիգոր Աստվածաբանի, Նեմեսիոսի և ուրիշների աշխատությունները⁵: Փիլիսոփայական բովանդակություն ունեն Գլաձորի համալսարանի ուսուցիչների և ուսանողների ձեռքով գրված տասնմեկ ձեռագրեր: Փիլիսոփայական մեծածիղձ ձեռագրերի ընդօրինակությունները ինքնին ապացույց են այն մեծ հետաքրքրության, որ ցուցաբերել են այդ հաստատությունում փիլիսոփայական գիտության նկատմամբ:

Փիլիսոփա հեղինակներից ամենամեծ տեղը Գլաձորում հատկացված է եղել Արիստոտելին, Պորփյուրին և Դավիթ Անհաղթին: Արիստոտելին վերագրվող աշխատություններից համալսարանում ընդօրինակված են՝ «Ստորոգութիւնք»-ը, «Թուղթ առ Աղեքսանդրոս թագաւոր, պատմութիւն յաղագս աշխարհի», «Սկիզբն և նախորդութիւն գրոցն, որ ասի ըստ յունաց պերի արմենիաս և հայէոէն յաղագս մեկնութեան» և «Յաղագս առաքինութեան առ Աղեքսանդր թագաւոր»:

Ավելորդ չէ նշել, որ Արիստոտելի ստեղծագործությունների ուսումնասիրության խնդրում Գլաձորի ուսումնականներն ավելի ազատամիտ են գտնվել, քան կարելի է այդ ասել Փարիզի համալսարանականների մասին: Փարիզի համալսարանը գտնվում էր Վատիկանի հովանավորության տակ, իսկ վերջինս որոշ դժվարություններ էր հարուցում Արիստոտելի ստեղծագործություններն ուսումնասիրելու խնդրում: Մի առիթով, երբ Վատիկանին հայտնի է դառնում, որ Բյուզանդիոնից Փարիզ է բերվել Արիստոտելի «Մետաֆիզիկա» աշխատությունը, թարգմանվել հունարենից լատիներեն, տարածվել և կարդում են, անմիջապես կարգադրություն է արվում՝ «հավաքել դրանք և հանձնել այրման» ան պատճառաբանությամբ, որ այդ գիրքը «խորամանկ գաղափարներ է պարունակում» և կարող է նոր աղանդի պատճառ դառնալ: Խստագույնս զդուշացու է, որ այն հեղուկանքը, որը «կհանդգնի կարդալ արգելված այդ գիրքը և պահել իր մոտ, ենթակա է կարգալուծման»⁶:

Անտիկ մյուս փիլիսոփաների աշխատություններից Գլաձորում մի քանի շրջանակներով ընդօրինակված է Պորփյուրի «Ներածութիւն»-ը, որը վերլուծվել և մեկնաբանվել է մի շարք հայ փիլիսոփաների կողմից: Համալսարանում հնագույն ձեռագրերից ընդօրինակվել է Ջենոն Ստոիկի «Բնության մասին» աշխատությունը, որի հունարեն բնագիրը կորել է և մեկ չի հասել: Պարզվում է, որ համալսարանի ուսանողներից մեկն այդ երկը օգտագործել է իր ավարտական «դիպլոմային» աշխատության մեջ:

Գլաձորի համալսարանում հայ փիլիսոփաներից առաջնակարգ տեղ է հատկացված եղել Դավիթ Անհաղթին: Նրա աշխատություններից այնտեղ ընդօրինակված են՝ «Սահմանք իմաստասիրութեան», «Մեկնութիւն ի վերլուծականն Արիստոտէլի», «Վերլուծութիւն «Ներածութեանն» Պորփյուրի» և «Մեկնութիւն «Ստորոգութեանցն» Արիստոտէլի»⁷: Մյուս հայ փիլիսոփաների աշ-

⁵ Ս. Արևշատյան. Հովհան Որոտնեցի.—Հայ մշակույթի նշանավոր դործիչներ. Երևան, 1976, էջ 298:

⁶ Документы по истории университетов Европы XII—XIII веков. Воронеж, 1973, с. 34—35.

⁷ Դավիթ Անհաղթ. Երկեր, թարգմանությունը, առաջաբանը և ծանոթագրությունները Ս. Ս. Արևշատյանի. Երևան, 1980:

խատույթյուններից ընդօրինակված են: Դավիթ Հարքացու «Նկատումն Արիստոտելի», Մովսես Քերթոզի «Վերլուծութիւնք Ստորոգութեանց Արիստոտելի սրասն բանիցն», նույնի «Հարցմունք Յոբնաղի և պատասխանիք Մովսէսի հայոց Քերթաղի և Դաւիթ Անյաղթ փիլիսոփայի», Ներսէս Շնորհալու «Մեկնութիւն բանից Դաւիթ փիլիսոփայի, որ ի կատարումն նորին տառի վասն Սահմանաց իմաստասիրութեան», և Վահրամ Բաբունու՝ «Լուծմունք ներածութեանն Պորփիրի» և ուրիշներ:

Գլածորում ընդօրինակված ձեռագրերում հանդիպում է իմաստասիրական անվամբ մի բնագիր՝ «Բանք իմաստասիրականք օգտակարք և պիտանացոյ» կամ «Բանք իմաստասիրաց պիտանի ամենայն մարդոյ»: Այն պարունակում է անտիկ գիտնականների իւրատական ասույթները հասարակական կյանքի տարբեր երևույթների մասին: Այդ բնագիրը մեզ է հասել Գլածորի համալսարանի յոթ ձեռագրերում: Այդքան մեծ թվով ընդօրինակությունները հիմք են տալիս կարծելու, որ այն դասախոսվել է համալսարանում և հանձնարարվել ընդօրինակելու: Անտիկ գիտնականների ասույթների մասին պատկերացում տալու նպաստակով անհրաժեշտ ենք համարում բերել նրանցից մի քանիսը.

«Սոկրատէս ասէ. որպէս զմեղուն տեսանեմէք ի վերայ ամենայն ծաղկանց նստեալ, այլ պիտանին առնու, նույնպէս ամենայն իրաց պարտ է հմտանալ, սակայն զօգտակարն առնու»:

«Եւրոպիդէս ասէ. պարտ է ընոր ծնեալսն ողբալ, զի ի շարիսն զան, իսկ զվախճանեալսն խնդութեամբ յուղարկել, զի ի շարեաց աղատեցան»:

«Եւրիպիդէս ասէ. Քաջ գիտեմ և փորձ առեալ եմ, զի ունևորաց և ձեռնհասաց ամենայն մարդիկ իցեն սիրելի, իսկ աղքատացեալ այնպիսեացն յոյժ պակասին սիրելիք»:

«Սմա (այսինքն՝ Սոկրատեսին—Ա. Ա.) հարցոին, թէ զի՞նչ է դժոխք: Ասէ. «Ոչ ես երթեալ եմ և ոչ անտի ոք եկին»:

Գլածորի համալսարանի ուսումնական ծրագրերում ամենամեծ տեղը հատկացված է եղել հայոց լեզվին, նրա քերականության ուսումնասիրությանը: Այդ մասին կարելի է դատել նշեցու կողմից քերականությանը տված հետևյալ բնորոշումից. «Սա է (այսինքն՝ քերականությունը—Ա. Ա.) դուռն ամենայն իմաստասիրութեան և կրթութեան և պարս: էր սոքաւք իբր աստիճանաւք ի կատարեալ իմաստութիւնն ելանել»⁸: Նշեցու այս բնորոշումից հետևում է, որ բոլոր տեսակի գիտությունների և ուսուցման հիմքը քերականությունն է, որը լավ ուսանելուց հետո միայն կարելի է աստիճանաբար խորանալ իմաստասիրության և կրթության մեջ:

Հայ հեղինակները հույն քերական Դիոնիսիոս Թրակացու (մ. թ. ա. II—I դդ.) «Առվեստ քերականությանը» հիմք ընդունելով, կազմել էին մի շարք քերականական ձեռնարկներ (Ստեփանոս Սյունեցին՝ VIII դ., Համամ Արևելցին՝ IX դ., Գրիգոր Մագիստրոսը՝ XI դ., Հովհաննէս Երզնկացին՝ XIII դ.): Համալսարանի ուսուցչապետ՝ Նսալի նշեցուն, ինչպես երևում է, չեն բավարարել եղած ձեռնարկները, ուստի կազմել է հայոց լեզվի մի նոր քերականության դասագիրք՝ «Մեկնութիւն քերականի» վերնագրով: Նշեցու քերականության մեջ ուղարկվ է ուսանողությանը տված հետևյալ հանձնարարությունը. պետք է հանգամանորէն ուսումնասիրել հայոց լեզուն և նրա բարբառները, բայց չպետք է զլանալ ուսումնասիրել նաև հարևան ժողովուրդների լեզուները, այդ միջոցով տեղյակ կլինել «լեզուաց նոցա, վասն զի կարի ազտարք իցեն»⁹: Թե որքան մեծ կարևորություն է տրվել քերականության ուսումնասիրությանը Գլածորում, այդ երևում է նրանից, որ Գլածորի ուսուցիչներից Հովհաննէս Երզնկացին

⁸ Ե ս ա յ ի ն շ ե ց ի. Վերլուծութիւն քերականութեան. Երևան, 1966, էջ 65:

⁹ Նույն տեղում, էջ 63:

(Ծործորեցին) ևս կազմել է քերականության ձեռնարկ՝ «Համառոտ տեսութիւն քերականին» վերնագրով¹⁰։

Քերականության հետ սերտորեն կապված է եղել գրչության արվեստը։ Գլաժորի համալսարանը որոշակի խնդիր է ունեցել պատրաստել վարպետ գրչիչներ, ոոոնց ուսերին էլ ծանրացած է եղել անցյալի հայ մշակույթի ստեղծագործութուններն ընդօրինակելու և նրանք կորստից փրկելու շնորհակալ գործը։ Անցյալում հայ մատենագրության մեջ այնքան մեծ նշանակություն է սրվել գրչության արվեստին, որ այն համարել են «քանոն և գաղափար ամենայն արուեստից»։

Կիրիկիայում XII դարում, ուղղափառության գործը ղարոցներում կարգավորելու նպատակով, Արիստակես զրիշը կազմել էր ուղղափառական մի ձեռնարկ՝ «Վերլուծութիւն բացերևապէս բազմազան բալից և բառից» վերնագրով: XIII դարում նույն աշխատանքը ընդարձակել էր Գևորգ Սկևռացին և կազմել գրչութիւն արվեստին նվիրված մի նոր ձեռնարկ՝ «Նորատ գրչութիւնան» խորագրով: Արիստակես զրիշ և Գևորգ Սկևռացու կազմած այս աշխատությունները օգտագործվել են Գյառնոյի համայնականում:

Գրչության արվեստի հետ սերտորեն կապված էր մանրանկարչությունը։ Անցյալում սովորություն է եղել ոչ միայն գեղեցիկ դրել, այլև ձեռագրերը շքեղ ձևավորել և զարդանկարել։ Իսկ դրա համար Գլածորում են աշխատել համալսարանն ավարտած այնպիսի հուշակավոր մանրանկարիչներ, ինչպիսիք են՝ Մոմիկը, Թորոս Տառնացին, Հովհան Բջնեցին, Մաթևոս Նկարիչը և ուրիշներ։ Հստ որում, նրանք ձեռագրեր հն զարդանկարել ոչ միայն Գլածորում, այլև հայկական գրչության մյուս դպրոցներում։ Գլածորի շրջանավարտ մանրանկարիչ պարզանկարած ձեռագրերին հանդիպում ենք Հայաստանի գրչության րազմաթիվ օջախներում։ Գլածորի մանրանկարիչներից ոմանք զբաղվել հն նաև քանդակագործությամբ և ճարտարապետությամբ։ Այդպիսին է եղել Մոմիկը, որը կառուցել է Վալոց ձողի շուշարձանների զգալի մասը։ Գլածորի մանրանկարչությունը չի կարելի կտրել Սյունյաց աշխարհի գրչության մյուս օջախներից (Գնդևան, Ներսիս, Հեղմոն, Նորավանք, Տաթև և այլն)։ Գլածորում կրթություն ստացած մանրանկարիչները համալսարանն ավարտելուց հետո իրենց աշխատող տեղափոխել են իրենց աշխատանքի վայրը։

Գլաձորի մանրանկարչության առանձնահատկությունների մասին խոսելիս պետք է ասել, որ այն չունի զարգանկարչական այն արվեստը, ինչ հատուկ է Կիլիկիային, սակայն Սյունիքի մանրանկարչությունը ուշագրավ է նրանով, որ ժողովրդական սարրերին ավելի լայն տեղ է հատկացվում, քան Կիլիկիայում: Սյունիքի մանրանկարչության մեջ արտացոլված են լեռնոտ աշխարհի գեղեցկությունները, նրա կենդանական և բուսական հարուստ բնությունը: Սիրում են նկատել կաքավ, աքաղաղ, սիդամարգ և իրենց ծանոթ ընտանի և վայրի կենդանիներ: Զարդանկարչություն մեջ, հիմնականում, օգտագործում են հուսվածքային մանրանկարչություն՝ նրան սպլով ավելի նրբադեղ ձևեր: Զարդագրերում լայնորեն կիրառվում են հատկապես թռչնազրերը:

Գլաձորի համալսարանի ուսումնական ծրագրում զգալի տեղ է հատկացված եղել պատմագրությունը: Հետ Կիրակոս Բանասերի հաղորդած տեղեկության, Թովմա Մեծոփեցիի համալսարանում սովորել և անգիր իմացել է «Վիպասանական պատմագրերի» հիսուն և մեկ աշխատություն¹¹: Որո՞նք են այդ 51 «Վիպասանական պատմագրերը»: Դրանց մասին տեղեկություններ կան Մխիթար Այրիվանեցու «Ժամանակագրության» մեջ: Հայ պատմիչներից Այրիվանեցիի հիշատակում է Ագաթանգեղոսին, Զենոբ Գլախին, Փավստոս Բուզանդին, Կորյունին, Նիդեհին, Ղազար Փարպեցուն, Շապուհ Բագրատունուն, Մուսես Կաղանկատավացուն և ուրիշներ: Հույն պատմիչներից հիշված են Նվսեբոս Կեսարացու «Քրոնիկոնը» և Սկրատես Սքոլաստիկոսի «Նկեղեցու պատմությունը»:

10 Մաշտոցի անվ. Մատենադարան (ՄՄ), ձեռ. № 2365:

19. 2 пдуби, шн. 62д. шзп., 1:

Գլաձորի պատմագիտական դպրոցի արգասիք է համալսարանի սան Ստեփանոս Օրբելյանի դրած «Պատմություն նահանգին Սիսական» աշխատությունը, որի հավասարը դժվարանում ենք մատնացույց անել տվյալ ժամանակում եվրոպական պատմագրության մեջ: Իր բնույթով և գիտական շարադրանքով նա դուրս է գալիս միջնադարյան պատմիչների սովորական շարքից: Սյունյաց աշխարհի պատմությունը դրելու համար Օրբելյանն օգտագործել է ոչ միայն պատմիչների ուղեղծագործությունները, այլև Տաթևի վանքում պահվող հնագույն փաղեկագրերը, Սյունիքի հուշարձանների վիմական արձանագրությունները և հառևան վրաց ժողովրդի պատմական սկզբնաղբյուրները:

Կիրակոս Բանասերի հաղորդած տեղեկությունից երևում է, որ Մեծփնցիի համալսարանում սովորել և տիրապետել է հիսուն «նուրբ գրքերի», որոնք, պատմիչի ասելով, «դժուարաիմաց են և խրթին»: Մխիթար Այրիվանցին իր «Ժամանակագրության» մեջ բերել է այդ «նուրբ գրքերի» հեղինակների ցանկը: Նրանց մեջ հիշված են Փիլոն Եբրայեցին, Դիոնիսիոս Արիսպագացին, Գրիգոր Նյուսացին, Սեբերիանոսը, Գրիգոր Աստվածաբանը, Եպիփան Կիպրացին, Եփրեմ Ասորին, Հովհան Ոսկեբերանը, Կյուրեղ Աղեքսանդրացին և այլ հեղինակներ: Այդ ցանկում հիշված են նաև հունաբան դպրոցի փիլիսոփայական աշխատությունները¹²:

Գլաձորի համալսարանում դասավանդվող կարևոր առարկաներից է եղել ճարտասանությունը: Առարկան հիմնականում կապված էր բարոյաբանության հետ և խնդիր ուներ գեղեցիկ խոսող և խոսածը համոզեցուցիչ փաստերով հիմնավորող բարձրորակ քարոզիչներ պատրաստել: Անցյալում ճարտասանական արվեստին այնքան մեծ նշանակություն են տվել, որ աչքի ընկնող քարոզիչներին շնորհել են հռետոր կոչումը: Այդ կոչումով են մեզ հայտնի Գլաձորի համալսարանի երկու ուսուցչապետները՝ Ներսես Մշեցին և Եսայի Նշեցին («Մեծ հռետորն Ներսէս», «արդիւնական մեծ հռետորն Եսայի»): Համալսարանում ճարտասանության առարկայի համար դասագիրք է ծառայել Մովսէս Քերթովին վերագրվող «Գիրք Պիտոյից» աշխատությունը: Այն ընդօրինակված է Գլաձորի երեք ձեռագրերում (№ 1681, 2515 և 6898): Ճարտասանության առարկայի համար օգտագործվել է նաև Եղնիկ Կողբացու անդուգական «Եղծ աղանդոց» աշխատությունը:

«Գիրք պիտոյից» աշխատության մեջ, ինչպես պարզված է, օգտագործված են հելլենիստական ճարտասանության ականավոր ներկայացուցիչներ Ափտիոնոսի և Թեոփի աշխատությունները: Ի տարբերություն եվրոպական համալսարանների, որոնք հետևել են ճարտասանության հռոմեական ուղղությանը, հայ հեղինակները հետևել են հելլենական դպրոցի ճարտասաններին:

Գլաձորի համալսարանում դասավանդվող կարևոր առարկաներից էր տոմարագիտությունը: Այդ առարկան անհրաժեշտ էր ժամանակագրական բարդ հարցեր լուսաբանելու համար: Տոմարագիտության ձեռնարկ է ծառայել Հովհաննես Սարկավազի «Պատճէն տոմարի» աշխատությունը, որը մեղ է հասել Գլաձորի մի քանի ձեռագրերում: Այն բաղկացած է հինգ բաժիններից՝ հին հայկական անշարժ, նոր հայկական շարժական, հռոմեական, ասորական և եբրայական: Նրանցում քննարկված են տոմարական բնույթի բազմաթիվ հարցեր՝ շարժական և անշարժ տոները, տարբեր երկրներում և տարբեր ժամանակներում գործածվող թվականները: Տեղեկություններ են տրվում տոմարական տարբեր համակարգերում գործածվող կրկնականների, կիսականների, յոթերյականների, վերագիրների, ոսկեգրերի, տանուտերների և տոմարական մյուս հարցերի մասին: Կոնկրետ ծանոթություններ են տրվում, թե ինչպիսի հաշվումներ պետք է կատարել այս կամ այն ժամանակագրական հարցը պարզելու համար: Ի դեպ, իմաստասերի տոմարական այս աշխատությունը բացառիկ արժեք ունի ոչ միայն հայ, այլև ընդհանուր տոմարագիտության պատմության համար: Տոմարական հաշվումները ուսանողությանն ավելի դյուրամասշնչելի դարձնելու

¹² ՄՄ, ձեռ. № 582, էջ 34ր—40ա:

նպատակով կազմել են տոմարական աղյուսակներ և բոլորակներ՝ իրենց բացատրական ծանոթագրություններով:

Գլածորի համալսարանում դասավանդվող բնական գիտությունների մեջ կարևոր տեղ է հասկացված եղել մաթեմատիկային՝ «Յոթ ազատ ուրվհասներին» քառյակ կոչվող առարկաների առաջնեկին: Առարկայի դասավանդման համար ձևակերպել է ծառայել V II դարի ականավոր մաթեմատիկոս Անանիա Շիրակացու թվաբանության դասագիրքը՝ թվաբանական չորս գործողությունները, ինքրագիրքը և խրախճանք կոչվող հանելուկները: Թվաբանության դասագիրքից բացի մաթեմատիկայի համար օգտագործվել է նաև Հովհաննես Իմաստասերի՝ Անիի բարձրագույն դպրոցի համար կազմված «Յաղագս անկիւնաւոր թուոց» աշխատությունը: Այն ընդգրկված է Գլածորի N 437 և 6817 ձեռագրերում: Ուշագրավ է, որ N 437 ձեռագիրը գրված է համալսարանի ուսուցչապետ Նսայի Նշեցու հանձնարարությամբ՝ իբրև դպրոցական ձեռնարկ օգտագործելու համար: Հովհաննես Իմաստասերի տվյալ աշխատության սկզբնադրյուր է ծառայել մեր թվականության I—II դդ. ականավոր մաթեմատիկոս Նիկոսեանոսի թվաբանությունը, որն ավելի քան հսկայար տարի թվերի տեսության միակ ձեռնարկն է հանդիսացել: Այդ բնագրի բացատրական մասում օգտագործված է նաև Փիլոն Երջայեցու (մ. թ. ա. 20—մ. թ. 50) մաթեմատիկական մի աշխատությունը:

Երկրաչափության առարկայի դասագիրք է եղել Նվկլիդեսի «Տարերք երկրաչափութեան»-ը: Այդ աշխատության մի հատվածը XI դարում հունարենից հայերեն է թարգմանել Գրիգոր Մագիստրոսը: Այն ընդօրինակված է Գլածորի երեք ձեռագրերում՝ N 598, 4166 և 6897: Ենթադրություններ են եղել, որ Նվկլիդեսի երկրաչափությունը հնում թարգմանված է եղել ամբողջությամբ, որը և օգտագործվել է Գլածորում: Դժվարանում ենք անվիճելի համարել այդ կարծիքը, մի բան, սակայն, պարզ է, որ առանց երկրաչափության քաջ իմացության անկախելի էր կառուցել Վայոց ձորի հույակապ հուշարձանները, որոնց մեծ մասի ձարտարապետները եղել են Գլածորի համալսարանի շրջանափարոս սաները:

Մեզ են հասել Գլածորի համալսարանի երկու ականավոր ուսուցիչների՝ Տլրատուրի և Հովհաննես Երզնկացու (Ծործորեցու) կազմած ուշագրավ հանելուկները, որոնցից առաջինը վերնագրված է. «Յոհան վարդապետ է Ծործորեցու արարեալ հանելուկս», իսկ երկրորդը՝ «Տիեզերալոյս վարդապետին Տիրատուրու ասացեալ հանելուկք իմաստասիրականք»: Հանելուկների առաջին խումբը բաղկացած է 28 միավորից, իսկ երկրորդը՝ 24: Մեզ թվում է, որ երկու հեղինակների հանելուկների թիվն ավելին պետք է եղած լիներ, քան այն, ինչ հասել է մեզ: Ինչու՞մբ բացասուել համալսարանի երկու ուսուցիչների կողմից միաժամանակ նույն գործը ձեռնարկելը, ո՞րն է եղել հանելուկներ գրելու շարժառիթը: Այդ հարցին պատասխանել է հանելուկների հրատարակիչ Ա. Մնացականյանը: Նրա կարծիքով հանելուկները կառմվել են ուսումնական նպատակով. «Եթե նկատի ունենանք,— գրել է նա,— որ հանելուկ գրողները հիմնականում նաև մանկավարժներ էին, իսկ նրանց հանելուկները հետապնդել են նաև մանկավարժական նպատակներ, ապա հավաստի կդառնա մեր կարծիքը»¹³:

Հանելուկները, իրոք, կազմված են եղել ուսումնական նպատակով: Անշուշտ, այդ նկատի ունենալով է, որ Տիրատուրին վերնագրված են «Հանելուկք իմաստասիրականք»:

Տիրատուրի և Հովհաննես Երզնկացու կազմած հանելուկների մասին պատկերացում կազմելու համար անհրաժեշտ ենք համարում բերել յուրաքանչյուր հեղինակից երկուական օրինակ:

13 Ա. Ե. Մնացականյան. Հայ միջնադարյան հանելուկներ. Երևան, 1980, էջ 113:

Հովհաննես Երզնկացի

Ըստ արարչին մեծ սահմանի,
Նա բուրդն և հիմն է աշխարհի,
Աստուածաշէն տանն է տեղի,
Մարդկանց ոտից անկոխելի (Մասիս)¹⁴:

Սերմբն՝ սև,
Դաշտն՝ սպիտակ
Ձեռք ցաննմ
Բերանով հնձեմ (Գիր)¹⁵:

Տիրաւոր

Այն քաջին ի՞նչ ասեմ ես գով,
Որ յաղթանդամ էր հասակով,
Զինուք վազեց նա ղեփրատով,
Զքսաներկու կանգնոյ շափով (Վարդապետ)¹⁶:

Դաշր քաջ մի ալ նման սմին,
Որ յնվաղա ի կրկեսին
Թափեաց զեղջիր երկու ցրին.
Եւ դարձացումն հանդիսին (Տրդատ)¹⁷:

Գլաձորում ընդօրինակվել և ուսումնասիրվել են Գրիգոր Նյուսացու (331—394) «Տեսութիւն ի մարդոյն կաղմութեան» և Նեմեսիոսի «Յաղագս բնութեան մարդոյ» (IV դ. վերջերը և V դ. սկզբները) բժշկարան-մարդաբանական բուժանդակութիւնով աշխատութիւնները (ընդօրինակված են Գլաձորի երեք ձեռագրերում՝ ՄՄ № 598-ում՝ Հովհաննես Երզնկացու աշակերտի կողմից 1303 թ., № 844-ում՝ անանուն ընդօրինակողի կողմից 1325 թ. և Նոր Զուղալի մասենադարանի № 166 ձեռագրում՝ 1318 թ.):

Պրոֆ. Ա. Տեր-Պողոսյանը, որը ղեկավար է Նեմեսիոսի նշված աշխատութիւնի ուսումնասիրութեամբ, հավանական է համարել, որ այն որպէս դասագիրք օգտագործված լինի հայկական դպրոցներում: Նա գրել է. «Նեմեսիոսի այս գրվածքը, որ նման հարուստ բովանդակութիւն ունի և ներկայացնում է մարդու անատոմիան, ֆիզիոլոգիան, ինչպէս և հոգեբանութիւնը՝ ժամանակի գիտութեան համաձայն, պետք է որ շատ խոշոր նշանակութիւն ունեցած լինի մեր գիտական գրականութեան մեջ: Մեզ հայտնի է միայն մարդու անատոմիան ու ֆիզիոլոգիան, որ թարգմանելուց հետո, ամենայն հավանականութեամբ, որպէս դասագիրք, ծառայել է հայ դպրոցներում և դարերով սնունդ ծառայել հայ ընթերցողներին»¹⁸:

Գլաձորի համալսարանում դասավանդվող կարևոր առարկաներից էր երաժշտութիւնը: Ստեփանոս Օրբելլանը, խոսելով Գլաձորի համալսարանում իր ուսումնառութեան մասին, իր ուսած առարկաների մեջ նշում է հատկապէս երաժշտութիւնը. «...կրթեալ ի հրահանգս ընթերցման և երաժշտութեան»: Ըստ տեղեկութիւնների, Գլաձորի ավանդութիւնով Գրիգոր Տաթևացին «ուսուցանէր զնախկին երգիչ վարդապետաց զերաժշտութիւն քաղցրալուր ձայնի եղանակաւ»:

Սկզբնաղբյուրներում լռութիւն է պահպանվում երաժշտութեան հետ կապված այն հարցի մասին, թե Գլաձորում դասավանդվե՞լ է արդյոք խաղաղութիւնը (նոտագրութիւնը), թե ոչ: Պետք է նկատի ունենալ, որ Ստեփանոս Մյունեցին, որը համարվում է հայկական խաղաղութեան հիմնադիր-ստեղծողը, գործել է Վաղոց ձորում: Որ Գլաձորի համալսարանում խաղաղութիւնը պետք է դասավանդված լինե՞ր՝ այդ կարծիքի օգտին է խոսում հետևյալ փաստը. համալսարանի սան Ավագ մանրանկարիչը, Մյունեցաց մետրապոլիտ Սարգիսի պատվերով, 1337 թ. ընդօրինակել է «Երգարանն և տետրակ» կամ «Խաղ-գիրք» կոչվող ժողովածուն: Ծիշտ է, ձեռագիրը գրված է ոչ թե Գլաձորում, այլ Պարսկաստանի Սուլթանիա քաղաքում, բայց կասկած չի կարող, որ Ա-

¹⁴ Նույն տեղում, էջ 365:

¹⁵ Նույն տեղում, էջ 357:

¹⁶ Նույն տեղում, էջ 373:

¹⁷ Նույն տեղում:

¹⁸ Ա. Վ. Տեր-Պողոսյան. Բիւլոգիական մտքի զարգացումը Հայաստանում. Երևան, 1960, էջ 198—199:

վազր խաղազրություն պետք է սովորած լինե՞ր Գլաձորում, որի ուսանողն էր հղել¹⁹։

Հայկական խաղազրության ուսումնասիրությամբ զբաղվող մասնագետներին ն. Թաճմիզյանը գտնում է, որ խաղազրությունն իր պատշաճ տեղն է ունեցել Գլաձորի և Տաթևի համալսարաններում. «Ամեն ինչից երևում է, — դրել է նա, — որ Մեծոփեցին և նրա աշակերտները, հլաթեցին ու նրա հետևողները մեզ հետաքրքրող հարցերում (այսինքն խաղազրության հարցում — Ա. Ա.) ի կատար են ածել տակավին Գլաձորում և Տաթևում խմորված գաղափարները»²⁰։

Գլաձորի համալսարանի դիտաուսումնական աշխատանքներն ավելի ծավալուն բնույթ են ունեցել, քան այդ կարելի է լինում ներկայացնել մեզ հասած սկզբնաղբյուրների հիման վրա։ Նրա ուսումնականներն իրենց ձեռքի տակ ունեցել և ուսումնասիրել են անտիկ աշխարհի և վաղ քրիստոնեական հայրերի գրած տարբեր դիտություններին վերաբերող ստեղծագործությունների մեծ մասը։ Դրա անհերքելի ապացույցը Եսայի Նչեցու «Եզեկիէլի մեկնութեան» մեջ օգտագործված սկզբնաղբյուրներն են։ Այնտեղ նշվում են անտիկ աշխարհի և վաղ քրիստոնեական հայրերի ծանոթ և անծանոթ հեղինակների բազմաթիվ աշխատություններ։ Նրանց մեջ են Արիստոտելի, Պլատոնի, Հիպոլիտեսի, Փիլոն Եբրայեցու, Սկյուլասի, Սիմաքոսի, Թիոդոտոսի, Որոգինեսի, Դիոնիսիոսի, Սուտ Կալիսթենեսի, Եփրեմ Ասորու, Կյուրեղ Աղեքսանդրացու, Ոսկեբերանի, հայկական մատենագիրներ Դավիթ Անհաղթի, Նղիկ Կողբացու, Վանականի, Ստեփանոս Սյունեցու, Մխիթար Գոշի և այլ հեղինակների աշխատություններ։ Նվ այսպես, Գլաձորի համալսարանում ուսումնասիրվել և դասախոսվել են իր ժամանակի համար կարևոր և անհրաժեշտ բոլոր առարկաները։ Համալսարանը խնդիր է ունեցել պատրաստել զարգացած ուսուցիչներ՝ ըաբունիներ և ըաբունապետներ, բանասերներ, գրիչներ և մանրանկարիչներ, երաժիշտներ և այլ մասնագիտությունների գործիչներ։

Հակոբ գրիչը, խոսելով Հովհան Որոտնեցու գործունեության և նրա մոտ սովորած ուսանողների մասնագիտացումների մասին, նշում է, որ նա «ժողովել էր զհեռաւորս և զմերձաւորս, գորբս և զանրնդանիս, երկնէր և ուսուցանէր և փառաւոր աստիճան նստուցանէր, զոմանս՝ ըաբունս և քահանայս, զոմանս երաժիշտս և փիլիսոփայս, զայլ ոք ծաղկող և քարտուղարս»²¹։

Որքա՞ն ուսանողություն է ունեցել Գլաձորի համալսարանը։ Բացահայտ թյուրիմացություն պիտի համարել հայագիտության մեջ քաղաքացիություն ստացած ան կարծիքը, թե Գլաձորի համալսարանում, իբր, տարեկան սովորելիս են եղել երեք հարյուր վաթսուն ուսանող։ Գլաձորի ուսանողների թիվը հաղորդողը Կղեմեա Գալանոսն է, որը հետևյալն է հայտնում. «Եւ սա (այսինքն՝ Եսայի Նչեցին — Ա. Ա.) զերիս հարիւր և վաթսուն աշակերտս պճնազարդեալ էր վարդապետական արժանավորութեամբ»²²։ Գալանոսի տեղեկությունը՝ Գլաձորի աշակերտների թվի մասին, վերաբերում է ոչ թե ամեն տարվա, այլ նչեցու ուսուցչապետության ողջ շրջանին։ Ըստ որում, այստեղ խոսքը ընդհանուր սովորողների թվի մասին չէ, այլ միայն նրանց, ովքեր աստիճան են ստացել։ Եթե ընդունենք, որ եղել են նաև զգալի թվով ուսանողներ, որոնք սովորել են և ավարտել առանց կոչում ստանալու, այդ դեպքում Գլաձորում տարեկան սովորողների թիվը չի անցել 50—60 հոգուց։

Կարևոր է նաև այն հարցը, թե ուսանողները քանի տարի են սովորել։ Ժամանակակիցների մեծ մասի վկայությամբ ուսուցումը տևել է 7—8 տարի։ Համալսարանի ուսանողներից ներսես Տայեցին, օրինակ, հայտնում է, որ ին-

19 Ղ. Ալիշան. Հայապատում, էջ 492։

20 Ն. Թաճմիզյան. Խաղազրության արվեստն իր պատմական զարգացման մեջ. — «Բանբեր Մատենադարանի», № 12, էջ 98։

21 ՄՄ, ձեռ. № 1523, էջ 25բ։

22 Կղեմեոս Գալանոս. Միաբանութիւն Հայոց ընդ սուրբ եկեղեցւոյն Հոռվմայ. Հոռմ, 1648, էջ 347—348։

4 «Հանդես», № 2—3

քը համալսարանում սովորել է յոթ տարի: Համալսարանի մի այլ ուսանող՝ Կարապետ Տոսպեցին հայտնում է, որ սովորել է ութ տարի:

Ուսանողների ուսումնառության 7—8 տարիները, մեր կարծիքով, պետք է համարել պայմանական, որովհետև սովյալներ չկան, թե համալսարանում կուրսեր են եղել և ուսանողները տարեցտարի քննություններով մի կուրսից մյուսն են փոխադրվել: Հավանաբար եկող ուսանողին ամրացրել են համալսարանի ուսուցիչներից մեկն ու մեկին, և ուսանողի ուսումնառության տևողությունը կախված է եղել նրանից, թե ինչ պատրաստությամբ է եկել սովորելու և ուսման ընթացքում ինչպիսի ունակություններ է ցուցաբերել:

Գլածորում հաստատուն ավանդույթ է գոյություն ունեցել, ըստ որի ուսանողը 7—8 տարի սովորելուց հետո պարտավոր է եղել պաշտպանել «զիպլում»՝ իր նախասիրած թեզը և ստանալ կոչում: Թե ի՞նչ ձևով է կատարվել պաշտպանությունը կամ «պսակադրության» այդ հանգեսը, ինչպես կոչվել է, մանրամասնություններով մեզ հայտնի չէ: Գիտենք միայն, որ ուսանողներն իրենց ընտրած թեզով հանդես են եկել և պաշտպանել այն համալսարանի ուսումնականների առջև: Այս արարողությունը ղեկավարել է համալսարանի ուսուցչապետ Եսայի Նչեցին: Պաշտպանությունը, ինչպես երևում է, եղել է բանավոր: Այսպես, օրինակ, գրող աշակերտ Ներսեսը հայտնում է, որ ինքը պաշտպանություն թեզ է ընտրել Հովհան Որոսնեցու «Ի բան մարգարէին» թեման և այն պաշտպանել բանավոր. «...ողորմութեամբք Տեառն սերտեցի զայս մեծախորհուրդ ասացուածս ի պատճառ գաւաղանի առնելոյ աւուրն»²³:

Մաշտոցի անվան Մատենադարանում պահվող երկու ձեռագրեր պարունակում են Գլածորի համալսարանի ուսանողների ավարտաճառերը: Դրանցից № 631 ձեռագրի պարունակած ուսանողական ավարտաճառերին անդրադարձել է Լ. Խաչիկյանը և իր ուսումնասիրության արդյունքները հրատարակել «Գլածորի համալսարանի և նրա սաների ավարտական ատենախոսությունները» հոդվածում, իսկ մյուսին, որն ընդօրինակված է Մատենադարանի № 724 ձեռագրում, անդրադարձել են ուրիշները: Այդ ձեռագրերի մեջ ղեկավարված է ուսանողների ավարտական ատենախոսությունների մի մասը, այն էլ միայն նրանց շնորհակալական խոսքը՝ ուղղված երախտավոր ուսուցիչներին: Բերենք այդ ավարտաճառերից մի քանի օրինակ:

Ուսանողներից մեկն իր ուսումնառության արդյունքը համեմատելով գյուղացու «կալի և հնձանի» հետ, նրա առաջին բերքը ցանկանում է նվիրել ուսուցչին. «...երախտեաց պարտական եղեալ եմ, նախ՝ քեզ հատուցից զե[ր]ախարիս կալո իմոյ և զհնձանի և զանդ[ր]անիկս բան անհամ համարձակութեանս զպտուղ շրթանց»²⁴:

Մեկ ուրիշը դիմելով իր ուսուցչին, տարակուսած ասում է (բերում ենք թարգմանաբար). «Ո՛վ դու հոգևոր հայր, տարակուսանքի մեջ եմ, թե ինչի՞ հետ համեմատեմ քեզ. արեգակի՞, բայց նա միայն ցերեկն է լուսավորում. աղբյուրի՞, բայց նա պղտորվում է դրսի հեղեղումից և գաղանների կոխրտոցից. բազմապտուղ աչգո՞ւ, բայց նա էլ խամրում է ձմռան եղանակին»: Ի վերջո, նա ուսուցչին համեմատում է «հոգևոր հացի սեղանի» հետ, որից իր ուսուցիչը առասպապես բաշխում է բոլորին՝ ինչպես եկեղեցականներին, այնպես և աշխարհականներին²⁵:

Մի այլ ուսանող հետևյալ կերպ է գնահատում իր ուսուցչի վաստակը. «...գտանեմ բիւրապատիկ պարտուց ներքոյ, զի ի քեզ անկայ յորովայնէ՛ հայր, քե՛ մեծացա և զառգացա, և քե՛ ի չափ հասա: Զեռք քո աշխատասէր սնուցին զիս ի Քրիստոս հոգեկանօք ուսմամբ, ա՛չք քո քաղցրահայնաց լուսաւորեցին զիս, բանք քո բարի առաջնորդեցին զիս»²⁶:

23 ՄՄ, ձեռ. № 2178, էջ 49բ.

24 ՄՄ, ձեռ. № 631, էջ 73ա-բ:

25 Նույն տեղում, էջ 55ա:

26 Նույն տեղում, էջ 52բ:

Ուսանողներից մեկը դիմել է ուսուցչին, հայտնելով նրան, որ ինքը տա-
րակուսանքի մեջ է, թե ինչպե՞ս վարձահատույց լինի. ի՞նչ տա իր ստացածի
համար. «Ի՞նչ հատուցեմ. արդյո՞ք ոսկի, կամ արծաթ, կամ թանկագին քա-
րեր, կամ երկրի բերքից այն, ինչ սիրելի է աշխարհականներին»: Վերջում նա
դառնում է, որ դրանցից և ոչ մեկը չի կարող համեմատվել իր ուսուցչի ունե-
ցած վաստակի հետ²⁷:

Գլածորի համալսարանի սաներն իրենց գրած ձեռագրերի հիշատակարան-
ները մեջ հաճախ դորժածում են «սիրող բանի» կամ «սպասավոր բանի» կո-
չումները, որը ներկա իմաստով մոտենում է «բանասեր» բառի նշանակությա-
նը: Այսպես, Մխիթար Երզնկացին 1314 թ. գրած իր հիշատակարանում պար-
ծենում է, որ ինքը սովորել է Հովհաննես Երզնկացու մոտ, որը եղել է «սպա-
սաւոր բանի»: Եփեմ զրիչը 1318 թ. գրած հիշատակարանում հայտնում է, որ
ինքը սովորել է «սպասաւոր բանի» Մարտիրոսի մոտ: Կյուրիոն գրիչը 1321 թ.
գրած հիշատակարանում հայտնում է, որ ձեռագիրը գրվել է «ձեռամբ մեղսա-
մակարդ և տարաշխարհիկ անձին՝ Կիրիոնի սպասաւոր բանի»: Մի այլ տեղ
«Եղև ծրագրութեամբ յոգնամեղ Կիրենի՝ սպասաւոր բանի»: Հովհաննես Եր-
զնկացին (Մործորեցին) իրեն անվանում է «նուաստ Յովհաննէս Երզնկացի
սպասաւոր բանի ստացալ զգիրքս» և այլն:

Ստեփանոս Մալխասյանը «Հայերէն բացատրական բառարանում» «սպա-
սաւոր բանի»-ն բացատրել է «բանասէր, գրականութեամբ զբաղվող»²⁸: Մեզ
հասած տեղեկություններից պարզվում է, որ «սպասաւոր բանի»-ն ուսումնա-
կան պատվավոր կոչում է եղել, որը շնորհվել է շրջանավարտ ուսանողին: Այս-
պես, Հովհաննես զրիչը 1281 թ. գրած հիշատակարանում հայտնում է, որ ձե-
ռագիրը գրել է Հաղբասի վանքում, ուր և նա ստացել է «սպասաւոր բանի» կո-
չումը. «Եւ է որ գրեցաւ ի գերահռչակ ուխտը Հաղբատայ, յորում եղև արժանի
կոչել սպասաւոր բանի»:

Հայադիտություն մեջ քաղաքացիություն է ստացել այն կարծիքը, ըստ որի
Գլածորի համալսարանի շրջանավարտներին տրվել է գավազան կրելու և քա-
րոգելու իրավունք: Անուշադրություն է մատնվել «սպասաւոր բանի» աստի-
ճանը: Զպետք է մոռանալ, որ աստիճանը կրողն այն անձինք են, որոնք իրենց
ուսերի վրա տարել են հայ մշակույթը և խնամքով փոխանցել գալիք սե-
րունդին:

Ուսումնասիրողներից ոմանք, համեմատելով Գլածորի ու եվրոպական
համալսարանների ուսումնական ծրագրերը, դասավանդվող առարկաները և
աստիճանավորման կարգերը, նմանություն են տեսնում նրանց միջև: Այսպես,
Լ. Խաչիկյանը եկել է այն հետևություն, որ Գլածորի համալսարանն իր գրված-
քով զգալի նմանություն է ունեցել հատկապես Փարիզի համալսարանին և իր
գիտաուսումնական մակարդակով չի զիջել նրան: «Գլածորի համալսարանը,—
գրել է նա,— հառնում է մեր առաջ որպես ուսումնական մի հաստատություն,
որ հիմնադրված լինելով... ամենահին համալսարանից (Պրագա) շուրջ ութ-
սուն տարի առաջ և համարյա հասակակից լինելով եվրոպական գիտական
մտքի ամենահեղինակավոր հաստատություններից մեկին՝ Փարիզի համալսա-
րանին, մրցում է նրա հետ թե՛ իր կատարած կուլտուր-կրթական դերով, թե՛
թողած մատենագրական հարուստ ժառանգությամբ և թե՛ դասավանդված գի-
տությունների բազմազանությամբ և խորությամբ»²⁹: Նույն կարծիքն են հայտ-
նել նաև Ա. Մովսիսյանը, Ա. Ավետիսյանը, Կ. Սարաֆյանը և ուրիշներ:

Գլածորի և նրան հասակակից եվրոպական համալսարանների միջև, իրոք,
նկատելի են զգալի նմանություններ: Այդ, ամենից առաջ, ակներախ է ուսում-

27 ՄՄ, ձեռ. N 734, էջ 139բ:

28 Ս տ. Մ ա լ խ ա ս յ ա ն. Հայերէն բացատրական բառարան. հ. IV, էջ 254:

29 Լ. Խ ա չ ի կ յ ա ն. Գլածորի համալսարանը և նրա սաների ավարտական ատենախոսու-
թյունները.—Նրևանի պետական համալսարանի գիտական աշխատություններ, հ. XXIII, Երևան,
1946, էջ 449:

նասիրվող առարկաների դրվածքում: Ի տարբերություն անտիկ աշխարհում գործող բարձրագույն դպրոցների (Աթենք, Հռոմ, Աղեքսանդրիա և այլն), եվրոպական համալսարաններն ունեին գիտությունների ուսուցման ավելի լայն ընդգրկում: Հասարակական գիտություններից բացի դգալի տեղ էին հատկացնում բնական գիտություններին: Նույն դրվածքն ուներ նաև Գլաձորի համալսարանը: Բիրլիսոփայական, պատմական, լեզվագիտական առարկաների հետ պատշաճ տեղ են զբաղեցնում մաթեմատիկան, տոմարը, բժշկությունը և այլ գիտություններ: Ի դեպ, առարկաների լայն ընդգրկմամբ է պատճառաբանվում այն փաստը, որ Գլաձորի դպրոցը, ի տարբերություն միջնադարյան հայկական մյուս բարձրագույն դպրոցների, կոչվեց համալսարան:

Արտակարգ նմանություն է նկատվում հատկապես երկու համալսարանների ուսումնական ծրագրերում: Եվրոպական համալսարանների ծրագրերի հիմքում, ինչպես ասվել է, ընկած է եղել «յոթ աղատ արվեստների» ուսուցումը: Նույն «եռյակ» և «քառյակ» կոչվող բոլոր առարկաները նախատեսված են եղել Գլաձորի համալսարանի ուսումնական ծրագրերում: Եվրոպական համալսարաններում առարկաներից առանձնահատուկ տեղ է հատկացված եղել աստվածաբանությանը և վաղ քրիստոնեական հայրերի երկերի ուսումնասիրությանն ու մեկնաբանությանը: Նույնն է եղել նաև Գլաձորի համալսարանում: Եվրոպական համալսարաններն ավարտող ուսանողը պարտավոր է եղել քրիստոնեություն հանձնել և գիտական աստիճան ստանալ: Ինչպես տեսանք, աստիճանավորման մոտավորապես նույն կարգն է դրություն ունեցել նաև Գլաձորում:

Հարց է առաջանում, ինչպես բացատրել այս նմանությունները: Ամերիկահայ գիտնական Սառաֆյանն այդ նմանությունը հետևյալ ձևով է մեկնաբանել. «Ուշագործյան արժանի է,— գրել է նա,— որ «համալսարան» տերմինի գործածությունը Հայաստանում XIV դարի առաջին քառորդին համընկնում է եվրոպական միջնադարյան համալսարանների լայն ծավալման և զարգացման ժամանակաշրջանի հետ: Սա նույնպես ցույց է տալիս, որ այդ ժամանակ Հայաստանը շփման մեջ էր գտնվում եվրոպայում մոտավորական շարժման հետ և իր կրթական հաստատությունները ձևավորում էր եվրոպական նմանությամբ»³⁰:

Անժխտելի է, որ XIII—XIV դդ. հայերը սերտ հարաբերությունների մեջ էին եվրոպական երկրների ժողովուրդների հետ: Իտալիայում, Ֆրանսիայում, լեհաստանում ու եվրոպական մյուս երկրներում հիմնվել էին հայկական դպրոցախներ, որոնց բնակչությունը լայն հնարավորություններ ուներ ծանոթանալ տեղի մշակույթի, այդ թվում և գործող համալսարանների դրվածքի հետ և նրանց փորձը փոխանցել հայրենի երկիր: Սակայն, մեր կարծիքով, նրանք մասնավորապես հիմնված էին ուսուցման անտիկ աշխարհից սկզբնավորվող ավանդույթի վրա, նրանց մոտ ևս լայն տեղ էր հատկացվել անտիկ գիտնականների և վաղ քրիստոնեական հայրերի ստեղծագործություններին: Ուստի, բնական է, որ Գլաձորի ու եվրոպական համալսարանների ուսումնական ծրագրերում պետք է լինեին նմանություններ: Իրարից շատ հեռու գտնվող այդ երկու համալսարաններն անտիկ ուսման ավանդույթն ընդունել են յուրովի, հայերը՝ հայկական ավանդույթով միահյուսված, իսկ եվրոպացիները՝ եվրոպական:

Գլաձորի ու եվրոպական համալսարանների միջև, սակայն, եղել են զգալի տարբերություններ: Նշենք դրանցից կարևորները:

³⁰ K. A. Sarafian. History of Education in Armenia. California, 1930, p. 119.

Եվրոպայի համալսարանները հանդես եկան այն ժամանակ, երբ եվրոպական գտնվում իր սոցիալ-տնտեսական և քաղաքական բոլորովին այլ պայմաններում, քան այդ վիճակված էր Հայաստանին: Այդ ժամանակ, երբ եվրոպական ժողովուրդները, սոցիալ-տնտեսական բարենպաստ պայմաններում, ոտք էին գնում վերածննդյան շրջանը, Հայաստանը ոտնակոխ էր լինում և ավերվում օտարերկրյա նվաճողների ծանր կրունկի տակ: Անհերձակայելի այն պայմաններում, որի մեջ գտնվում էր հայ ժողովուրդը, հրաշք պետք է համարել Հայաստանում համալսարանի հիմնումը և պահպանումը:

Տարբեր էր եվրոպական համալսարանների և Գլաձորի ունեցած նյութական ապահովվածությունը: Եվրոպայի համալսարանները պահվում էին եվրոպական արքունիքների և մեծահարուստ վատիկանի տրամադրած անսպառ միջոցներով, իսկ Գլաձորի համալսարանն իր գոյությունը պահպանում էր վալդե ձորի իշխանական տնեռի, հոգևոր իշխանության և ժողովրդի տված սուղ նրվերներով: Ըստ որում, այդ օգնությունն այնքան համեստ էր, որ անկարելի էր մեծ թվով ուսանողներ ընդունել սովորելու: Այն ժամանակ, երբ եվրոպական համալսարաններում սովորող ուսանողների թիվը հաշվվում էր հազարներով, Գլաձորում սովորող ուսանողության թիվը չէր անցնում 50—60 հոգուց:

Գլաձորը, եվրոպական համալսարանների համեմատությամբ, ուներ կարևոր մի այլ տարբերություն. այնտեղ ուսուցումը կատարվում էր մայրենի լեզվով: հայերեն: Այսպես չէր եվրոպական համալսարաններում. նրանց մոտ, մինչև XIV դարը, ուսուցումը տարվում էր լատիներենով: Եվրոպական ժողովուրդներին ոչ մեկը, փաստորեն, չունեցավ հեռու աղբյուր լեզվով իր համալսարանը:

Նկատելի է մի այլ տարբերություն ևս: Եվրոպական համալսարաններն ազատ էին անցյալի մատենագրական մշակույթի վերանորոգելու և պահպանելու հոգսից, քանի որ այդպիսի մշակույթ նրանք անցյալից չէին ժառանգել: Այլ էր Գլաձորի վիճակը, նրա կարևոր հոգսերից մեկն անցյալից ժառանգած մատենագրությունն ընդօրինակել տալու և խնամքով պահելու խնդիրն էր: Պատահական չէ, որ Գլաձորի համալսարանում առանձնահատուկ ուշադրություն էր դարձվում վարժ գրիչներ և մանրանկարիչներ ուսուցանելու գործին:

Վերջապես, Գլաձորի համալսարանը, եվրոպական համալսարանների համեմատությամբ, ուներ կարևոր մի այլ տարբերություն ևս: XIII—XIV դդ., երբ հայ ժողովուրդը կենաց և մահու պայքար էր մղում օտարերկրյա նվաճողների և բնիկ թուրքների դեմ, Գլաձորի ուսումնականները չմնացին սովորական դիտորդների դերում, այլ գործուն մասնակցություն ցուցաբերեցին այդ պայքարին: Ի տարբերություն եվրոպական համալսարանականների, Գլաձորի ուսումնականները ուսումնագիտական աշխատանքների հետ իրենց ուսերի վրա վերցրեցին նաև հասարակական և քաղաքական աշխատանք: Դեռ ավելին, Գլաձորի համալսարանը, փաստորեն, դարձավ հայ ժողովրդի գոյության համար մղվող պայքարը կազմակերպող հիմնական կենտրոն:

Գլաձորի շրջանավառ ուսանողները պարտավոր են եղել իրենց ուսուցիչների ղեկավարությամբ ընդօրինակել հին հայկական ձեռագրեր: Գլաձորի ուսումնականների ընդօրինակություններով են մեղ հասել հին հայկական և վաղ քրիստոնեական աշխի ընկնող հեղինակների ղգալի մասի աշխատությունները: Անհերքելի իրողություն է, որ եթե չլինեք Գլաձորը, չլինեին միջնադարյան գրչության մյուս օջախները, հին հայկական շատ բնագրեր մեղ չէին հասնի: Գլաձորին ենք մենք սլարտական 1280 թ. Լուսեր գրիչի ընդօրինակած Եզնիկ Կողբացու «Եղծ աղանդոց» սքանչելի աշխատության համար, որը տվյալ երկի մեղ հասած միակ ձեռագիրն է: Իրավացի է Ստեփանոս գրիչը, երբ 1318 թ. Գլաձորում ընդօրինակած ձեռագրի հիշատակարանում, թվարկելով իր ուսուցչապետ նսայի նշեցու արժանիքները, կարևորներից մեկը համարել է հին գրքերը հավաքելու, նորոգելու և ընդօրինակել տալու աշխատանքները:

Գլաձորի համալսարանը խոշոր դեր է խաղացել ոչ միայն հմուտ գիտնականներ, մանրանկարիչներ, վաստակաշատ գրիչներ, այլև հայրենասեր մտավորականներ, հասարակական և հոգևոր գործիչներ դաստիարակելու գործում: Նրանք, պայքարելով հայ ժողովրդին սպառնացող ծովման քաղաքականության դեմ, հասարակական և քաղաքական խոշոր գործ են կատարել:

Գլաձորի դպրոցի գործունեությունը մեծ է եղել նաև հայ ուսումնական գործի ծավալման և հայ մշակույթի պրոպագանդման ասպարեզում: Համալսարանի սաները, խստապահանջ ուսուցչապետի ձեռքի ներքո, մեծ պատրաստությամբ ավարտելով համալսարանը և ցրվելով Հայաստանի տարբեր վայրեր, իրենց աշխատած վայրերում բաց են արել սեփական դպրոցներ և գիտելիքներն ավանդել իրենց աշակերտներին: Հայտնի է, որ Գլաձորի սաներից Հովհան Որոտնեցին հիմնեց Տաթևի համալսարանը, Տիրատուրը՝ Հերմոնի դպրոցը, Մխիթար Սասնեցին՝ Մեծոփի դպրոցը, Կյուրիոնը՝ Վերին Նորավանքի դպրոցը, Հովհաննես Ծործորեցին՝ Երզնկայի դպրոցը և այլն:

Միով բանիվ, մեծ է եղել Գլաձորի համալսարանի գործունեությունը և՛ մանկավարժության, և՛ գիտության, և՛ հայ մշակույթի պահպանման ու տարածման, և՛ հասարակական գործունեության բնագավառներում:

ГЛАДЗОРСКИЙ УНИВЕРСИТЕТ

Проф. **А. Г. АБРАМЯН**

(Резюме)

Высшее учебное заведение в Гладзоре (Ехегнадзор), которое справедливо называлось университетом, внесло большой вклад в развитие армянской культуры конца XIII—начала XIV вв. Как в европейских университетах того времени, так и в Гладзорском преподавались грамматика, риторика, логика, арифметика, геометрия, астрономия, музыка, причем преподавание этих дисциплин велось на высоком уровне. Гладзорский университет выпустил немало миниатюристов, филологов, историков и др. Его традиции продолжали созданные впоследствии высшие учебные заведения Татевы, Гермона, Мецопы.